



ATASSUT

UPA14/143-1

Gerhardt Petersen

25.03.2014

Siunnersuut uunga: Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaat nr. XX, XX.XXX 2014-imeersoq.

(Ilinniartitaanermut, Ilageeqarnermut, Kultureqarnermut Naligiissitaa-nermullu Naalakkersuisoq)

Ilinnianertuunngorniartarneq pillugu Inatsisartut inatsisaata allanngortinnissaanut siunnersuut ATASSUT-mit imaattumik oqaaseqarfigissavarput.

ATASSUT-mit pingaartilluinnarparput nunatta annertunerpaamik ilinniarsimassutsikkut inissisimaffeqarnissaa, inatsillu atuuttoq nutartigaq naleqqussagarlu pineqartumut torrallataaffeqartumik siunertaqarluartuummat akuersaaqataanitsigut peqataaffigilluassavarput, taamaattorli ATASSUT-miit ilinniartitaanikkut killiffiup sanngiiffeqarfigilernikuusaa matumani pineqartumut eqqaassallugu pissusissamisoorpoq.

11. Klasse atorunnaareernerata kingorna ilisimaarivarput inuusuttunnguit ilinniarnertuunngorniarnarfinnut aallartittartut ikigisassaangitsut inerisimassutsikkut inorsarfeqarfimmiittarat, tassungalu tapiliullugu pinngitsoorumangilagut Piareersarfiit oqaaseqarfigilaasallugit, tassalu siunertaaq ajunngikkaluaqisoq annertoorejussuarmik atorneqalersimapput, uagullu ATASSUT-miit aningaasat taakku atorunnerullugit 11. Klasse eqquteqqinneqarsinnaananeranut, sapinngisamik ilinniarnertuunngorniarnarfinnut isertussat inerisimassutsimikkut atuagarsornerullu tungaatigut piareersimanissaat anguniarlugu.

ATASSUT-miillu malugisatsinniippoq Inatsisissatut allannguutissaatut siunnersuutip inatsisilerinikkut misissorneqareernerani siunertamut naapertuuttussatut susassaqtuniit isigineqartoq, tamaattorli taasariaqartoq tassaavoq siunertarinqartumi inatsisip kalaallisuuata itinerusumik suli misissorneqarnissaa.



ATASSUT INATSISARTUNI

ATASSUT-miit soqutigalugu aamma tusaatissatut tiguarput pineqartup ingerlaqqilluarnissaanut annertunerusumik iliuuseqaqqaanngikkaluarluni ilinniagaqalernissamut piareersarluni pikkorissarnerit aamma ilinniartitsissutini ataasiakkaani ilinniartitsinerit pillugit suleriaatsinik aaqqiineq pineqarmat.

Allannguiffissatut siunnersuummi pingaartinneqarluni erseqqissuliuutaavoq nunatta suli annertunerusumik ilinniarsimassutsikkut inissisimanerulernissaanut iluaqutaasussaammat.

Oqaaseqaatit matumani pingaartuusut atorlugit allannguutissatut siunnersuut taamaasilluta ATASSUT-miit Inatsisartut Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaannut suliarineqaqqittussanngorluni ingerlateqqinneqarnissaa innersuussutigissavarput.